

Anno B

Lectio prima

In tempore illo salvabitur populus tuus.

Lectio libri Daniélis prophétæ 12, 1-3

In tempore illo consurget Michael princeps magnus, qui stat pro filiis populi tui; et veniet tempus quale non fuit ab eo ex quo gentes esse cœperunt usque ad tempus illud. Et in tempore illo salvabitur populus tuus, omnis qui inventus fuerit scriptus in libro.

Et multi de his qui dormiunt in terræ pulvere evigilabunt: alii in vitam æternam, et alii in opprobrium ut videant semper.

Qui autem docti fuerint fulgebunt quasi splendor firmamenti, et qui ad iustitiam erudiunt multos, quasi stellæ in perpétuas æternitates. — Verbum Dómini.

Psalmus responsorius

Ps 15, 5 et 8. 9-10. 11 (R.: 1)

R. Consérva me, Deus, quóniam sperávi in te.

Dóminus pars hereditátis meæ et cálicis mei:
tu es qui détines sortem meam.

Proponébam Dóminum in conspéctu meo semper,
quóniam a dextris est mihi, non commovébor. R.

9 Propter hoc lætátum est cor meum,
et exsultavérunt præcórdia mea;
ínsuper et caro mea requiéscet in spe.

10 Quóniam non derelínques
ánimam meam in inférno,
nec dabis sanctum' tuum vidére corruptiónem. R.

11 Notas mihi fácies vías vitæ,
plenitúdinem lætítiæ cum vultu tuo,
delectatiónes in délixtera tua
usque in finem. R.